

稱

謂

錄



稱謂錄卷二

福州梁章鉅撰

男恭辰校刊

母

母 說文母牧也从女裹子形一曰象乳子也 釋名

母冒也含生已也 素問陰陽類論王冰注母所以

育養諸子言滋生也 案廣雅亦訓爲牧與說文同

嫗 前漢書嚴延年傳延年兄弟五人皆大官母號萬

石嚴嫗 說文嫗母也

媪 說文媪女老稱也讀若奧 韓非子外儲說衛君

和言金 卷二  
曰吾以請之媼 史記趙世家媼之愛燕后賢於長  
安君 漢書禮樂志安世歌后土富媼注媼老母稱  
張晏曰坤爲母故稱媼 廣雅釋親媼母也

萱堂 孟郊詩萱草集堂階游子行天涯 葉夢得詩

白髮萱堂上孩兒更共誰 野客叢書今人稱母爲

北堂萱蓋祖毛詩伯兮篇焉得諼草言樹之背案注  
萱草令人忘憂背北堂也其意謂君子爲王前驅過  
時不反家人思念之切安得萱草種於北堂以忘其  
憂蓋北堂幽陰之地可以種萱初未嘗言母也不知



何以遂相承爲母事借謂北堂居幽陰之地則凡婦人皆可以言北堂矣何獨母哉

嫡母

嫡母 詳見親父注

君母 儀禮喪服小功章君母之父母從母鄭注君母父之適妻也

民母 先母 漢書衛青傳民母之子皆奴畜之服虔曰民母嫡母也師古曰言鄭季正妻本在編戶之間以別於公主家也 案民母史記作先母

生母

生母 南史謝瞻傳弟瞻年數歲所生母郭氏疾 案

今則妾生之子謂所生母爲親母不稱生母惟已爲  
伯叔父之後則謂已之父母爲本生父母詳親父注

親母 禮記曾子問昔者魯昭公少喪其母有慈母孔

疏親母尙不服庶母不服可知 淮南子齊俗訓親

母爲其子治挖禿而血流至耳見者以爲愛也使在

繼母則見者以爲嫉也 案今例嫡子稱其父母並

加親字稱親父親母若妾生之子則稱父之嫡妻爲

嫡母而稱己母爲親母亦詳見親父注

因母 儀禮喪服齊衰三年章繼母如母傳繼母之配父與因母同鄭注因猶親也

子稱母

大人 柳南隨筆漢書范滂云惟大人割不忍之心此呼其母也 案漢書宣元六王傳云張博令弟光云王遇大人益解顏注大人博自稱其母也

娘 南史竟陵王子良傳武帝與子良母裴氏不諧遣人送還都子良年少帝謂之曰汝何不讀書子良曰

和言金  
九二  
三  
娘今何處何用讀書又北史韋世康傳世康欲引退  
與子弟書曰娘春秋已高溫清宜奉又古樂府不聞  
耶娘喚女聲杜詩耶娘妻子走相送

娘娘 宋洪皓鄱陽集使金上母書皓遠違膝下忽忽  
十二年中閒兩大病天憐羈苦偶幸再生日夜憂愁  
娘娘年高 鐵圍山叢談宋太祖稱杜太后爲娘娘  
大孃孃 小孃孃 蘇軾龍川雜記仁宗謂劉氏爲大  
孃孃楊氏爲小孃孃

主 困學紀聞注若璩按盧六以曰魯語以歎之家而

主猶績懼于季孫之怒也此子稱母亦稱主也

娘子 温公書儀古稱父爲阿郎母爲娘子 恆言錄

云周必大茶山啟殯祝文稱皇妣安人王氏二十七娘子此稱其母爲娘子然殊不莊重故後世罕用之

姊姊 北齊書文宣皇后李氏傳太原王紹德至閣不得見愠曰兒豈不知耶姊姊腹大故不見兒

大姊姊 四朝聞見錄高宗稱韋太后爲大姊姊

家家 北齊書南陽王綽傳呼嫡母爲家家 北史齊宗室傳後王泣啟太后曰有緣便見家家

姨 南史齊宗室傅衡陽王鈞五歲時所生母區貴人  
病便悲戚左右以餅飴之不肯食曰須待姨瘥又晉  
安王子懋母阮淑媛病危有獻蓮花供佛者子懋流  
涕禮佛曰若使阿姨因此和勝願諸佛令此花竟夕  
不萎 案今人多稱本生之妾母曰姨蓋其由來已  
久矣

阿母 司空圖詩阿母親教學步虛 焦仲卿妻詩上  
堂拜阿母阿母怒不止

少君 左定十四年傳蒯瞶謂戲陽速云從我而朝少

君 案少君謂其母也或謂少君猶小君乃君夫人  
之稱

對人自稱其母

家母 家訓風操篇陳思王稱其母曰家母

尊老 宋書孝義何子平傳尊老在東不辦常得生米  
何心獨享白粲 案尊老子平自稱其母

老人 車茂安與陸士龍書老人及姊自聞此問不能  
復食

家夫人 翟灝通俗編後漢書應奉傳注引汝南記元

義謂人曰此我故婦非有他過家夫人過之實酷

稱人之母

堂 陸士衡赴洛詩感物戀堂室文選良注堂謂母室  
謂妻 案此卽萱堂之意互詳母通稱萱堂注今之  
稱人母者或曰堂上或曰令堂皆本此

尊堂 陸士龍答車茂安書尊堂憂灼

尊大人 陸士龍答車茂安書尊大人賢姊當爲喜慶

歌舞相送勿爲慮也 案茂安與士龍書自稱其母

曰老人而士龍答書又稱茂安之母曰尊大人由此



推之稱人之父亦得曰尊大人矣今人稱人之父爲尊大人蓋本於此晉人已有此稱也

尊上 宋書孝義何子平傳尊上年實未八十親故所知 案尊上顧顛之稱子平之母也

令母 蔡邕濟北相崔君夫人誄於其令母受茲義方尊夫人 韓昌黎集孟東野墓誌年幾五十始以尊夫人之命來集京師從進士試所云尊夫人稱其母也今但以稱人妻非矣

父沒稱母

太夫人 漢書文帝七年令列侯太夫人夫人毋得擅  
徵捕如淳注曰列侯之妻稱夫人列侯死子復爲列  
侯乃得稱太夫人 案今人之稱其母者亦必於父  
沒後始加太字似本於此蓋據漢書注則此稱當專  
屬有位者

泰夫人 野客叢書漢碑有書太夫人爲泰夫人或者  
以爲異僕謂漢人多書太爲泰如前漢書泰平泰一  
泰甚之類是也

對君自稱其母

臣母妾 陳書沈炯傳沈炯以母老表請歸養詔不許  
文帝嗣位又表曰臣母妾劉今年八十有一

亡母

妣 爾雅母爲妣邢疏妣嬀也嬀匹於父 釋名妣比  
也比之於父亦然也 又儀禮配食妣配考同位不  
別設位也 案曲禮謂生日母死曰妣今人多從之  
皇妣 禮記曲禮母曰皇妣

顯妣 王粲思親詩穆穆顯妣

對君自稱亡母

種譜錄 卷二  
先妾 戰國策匡章對齊威王曰臣非不能更葬先妾也

前母

前母 晉書禮志禮爲繼母服而不爲前母服者前母既終乃有繼母

出母

出母 禮記檀弓孔氏之不喪出母 儀禮喪服期服章傳出妻之子爲父後者則爲出母無服

嫁母 家禮三父八母服制圖有嫁母

後母

後母 詩說小弁尹伯奇爲後母所譖而出 史記平  
津侯主父傳養後母謹孝 顏氏家訓後娶篇思魯  
等從舅殷外臣有子基謚皆已成立而再娶王氏基  
每拜見後母感慕嗚咽不能自持

繼母 儀禮喪服齊衰三年章繼母如母賈疏繼母謂  
已母早卒或被出之後續已母也喪之如親母故云  
如母言如母者欲見生事死事皆如已母也 列女  
傳齊義繼母者齊二子之母也又珠崖二義傳繼母

連大珠以爲鬻臂

繼親 蔡邕胡公碑繼親在堂案謂繼母也 顏氏家

訓後娶篇繼親虐則兄弟爲讎 因話錄商部僕射

柳元公奉繼親薛太夫人盡孝敬之道

續母 漢郊令景君闕銘繼母亦稱續母

假母 漢書衡山王傳有賊傷后假母者師古曰繼母

也一曰父之旁妻 淮南子繆稱訓繼子高誘注有

假母也 書敘指南引漢史養母曰假母元德秀又

曰乳母

養母

養母 朱子家禮三父八母服制圖有養母 案爲人後而自幼過房與人者謂之養母服斬衰三年詳見父注

方言稱母

社 淮南子說山訓東家母死子哭不哀西家子非之歸謂其母曰社何愛速死吾必悲哭社高誘注江淮謂母爲社 案此疑卽說文之媯音相近也

媯 說文江淮之間謂母爲媯

媼婢 楊子方言南楚母謂之媼

案廣雅媼母也婢亦母也

摩敦 周書宇文護傳母閻氏與護書呼我作阿摩敦

又護報書齊朝解網惠以德音摩敦四姑並許矜放

馳 肥 廣雅馳母也馳或誤作肥集韻類篇肥字注

引廣雅馳母也肥字注亦云母也然則宋時廣雅已  
有作肥者玉篇廣韻俱無肥字蓋馳字之誤也玉篇  
云姐古文作馳卽姐也

姐 她 媼 說文蜀謂母曰姐 廣雅姐母也 玉

篇她古文姐字 字彙媼同姐茲野切羌人呼母爲



婿

嫻 廣雅嫻母也 廣韻奴禮切音禰楚人呼母也

媵 媵迷 媵 吳俗呼母曰媵又曰媵齊人曰

媵迷淮南曰媵並見集韻

嬖 阿嬖 阿媽 姥 方以智通雅齊人呼母爲嬖

李賀稱母曰阿嬖江南曰阿媽或作姥皆母之轉也

媽 廣雅媽母也 案集韻類篇並引廣雅媽母也今

本廣雅實無此文王念孫疏證補之俗稱母曰阿媽

或作姥蘇人又曰末末蓋卽媽之轉音

媽媽 夷堅志霍秀才歸土條云見去歲亡過所生媽  
媽在旁指我泣曰此是陰府汝何爲亦來又趙氏馨  
奴條云辰已閒宅門未開鄰里呼問之其男云鄰里  
素諳我家事須媽媽起來則可是媽媽之稱由來久  
矣

嬾嬾 字彙忙果切音麼俗呼母爲嬾嬾 案俗字嬾  
乃媽之轉音

婆 嬖 婆說文作嬖奢也一曰老母稱 字彙  
補婆同婆 案北朝李育呼母爲婆見父稱郎注

侈 爾雅釋言侈怙恃也郭注江東呼母爲侈

米 真臘風土記呼母爲米 案古音母本讀如米

鐵弗 北史名母爲鐵弗

父之妾

庶母 爾雅父之妾爲庶母 儀禮喪服小功章君子

子爲庶母慈已者

諸母 禮記曲禮諸母不漱裳注諸母庶母也疏云諸

母謂父之諸妾有子者內則擇於諸母與可者注諸

母眾妾也

妾母 洪範五行傳西宮災釐立妾母爲夫人以入宗廟故天災愍宮

少母 朱子語錄五峰南軒稱父妾爲少母蓋本爾雅少姑之文

慈母 儀禮喪服齊衰三年章慈母如母 禮曾子問

子游問曰喪慈母如母禮與注妾無子者養妾子之無母者謂之慈母 南史司馬筠傳禮言慈母凡有

三條一則妾子之無母使妾之無子養之命爲母子服以三年喪服齊衰章所言慈母如母是也二則嫡

妻之子無母使妻養之慈撫隆至雖均平慈愛但嫡妻之子妾無爲母之義而恩深事重故服以小功喪服小功章所以不直言慈母而云庶母慈已者明異乎三年之慈母也其二則子非無母止是擇賤者視之義同師保而不無慈愛故亦有慈母之名師保旣無其服則此慈母亦無服矣

支婆 陸游家世舊聞有云杜支婆者注云先世以來庶母皆稱支婆

保母

保母 保 禮記內則擇於諸母與可者使爲子師其次爲慈母其次爲保母又內則保受乃負之注保保母列女傳孝義保者魯孝公之保母臧氏之寡也王獻之爲保母誌云郎邪王獻之保母姓李名意如廣漢人也見碑版廣例

葆 管子入國五幼又予之葆注葆今之教母

阿保 後漢書崔實傳注阿保謂傅母也又後漢皇后紀居有阿保之訓

師姆 保姆 唐書禮樂志傅姆導妃司則前引出於

母左師姆在右保姆在左

內傅 西京雜記趙王如意年幼未能親外傅戚姬使  
舊趙王內傅趙媼傅之

傅母 公羊襄公三十年傳不見傅母不下堂釋文母  
本作姆 穀梁傳婦人之義傅母不在宵不下堂

傅姆 杜牧杜秋娘詩序杜秋娘爲李筠妾筠滅入宮  
有寵於景陵穆宗命爲皇子傅姆

傅婢 家訓序致篇禁童子之暴謔則師友之誠不如  
傅婢之指揮

乳母

乳母 列女傳魏節乳母者魏公子乳母也 史記漢

武少時東武乳母常養帝 案觀此則晉以前尚無

孀母之稱而止曰乳母也由此知孀母之稱蓋始於

晉又案乳母人皆重之吾閩俗例凡婚嫁日必令受

拜男家則先拜姑翁奶女家則先拜新娘奶卽其乳

母也

食母 禮記內則大夫之子有食母注食母乳母也

儀禮喪服緦麻三月章乳母鄭注謂養子者有他故



賤者代之慈已賈疏天子諸侯其子有三母皆不爲之服士又自養其子若然自外皆無此法惟有大夫之子有此食母爲乳母 案呂坤曰此乳母蓋僱他人之婦乳哺三年故以母呼之昔韓昌黎蘇東坡皆葬之而爲之銘爲之總或云父妾謬甚矣

養 大戴記保傅注養謂乳母也 荀子禮論父生之不能養之注養謂哺乳之也

仁者 大戴記保傅仁者養之注仁者謂乳母也

阿母 後漢書袁閔少時往省其父彭城相在途變姓

名人無知者既至府史不爲通會阿母出見之入白  
夫人乃召入又陳忠傳帝愛信阿母王聖封爲野王  
君又史記扁鵲傳故濟北王阿母自言足熱而懣注  
阿母是王之嬭母也 又楊震傳震上疏曰伏見詔  
書爲阿母興起津城門內第舍注阿母安帝乳母

嬭母 宋書何承天年老始除著作佐郎諸佐郎皆年  
少名家荀伯子嘲之爲嬭母承天曰卿當爲鳳凰將  
九子何言嬭母也 案北史魏靜帝每云崔季舒是  
我嬭母謂政事皆與之商推也

孀婆 唐書哀帝二年九月詔封孀婆楊氏爲昭儀

孀媪 晉書桓元傳孀媪每抱詣温輒易人而后至云  
其重兼常兒桓甚愛異之

乳媪 唐書元德秀傳初兄子襁褓喪親無資得乳媪  
德秀自乳之數日湏流能食乃止

乳媪 古今詩話頭童齒豁敢辭乳媪之譏 案此用  
何承天事

乳人 齊書宣孝陳皇后傳太祖年二歲乳人乏乳后  
夢人以兩甌麻粥與之覺而乳大出

乳婢 晉書戴記石勒時黎陽人陳武妻一產二男一女勒賜以乳婢又堂陽人陳緒妻產二男亦賜乳婢是乳母亦稱乳婢也

乳姐 鍾姆 表異錄諸事拾遺屬之乳姐傳以鍾姆小知錄同引

姊姊 北史琅琊王儼既誅和士開等後主使人召之儼曰尊兄若欲殺臣臣不敢逃罪若放臣願遣姊姊來謂後主乳母陸令萱又北齊書南陽王綽傳綽兄弟皆呼乳母爲姊姊

乾阿嬭

乾阿嬭 北齊恩倖傅穆提婆母陸令萱嘗配入掖庭  
後主襁褓中令其鞠育謂之乾阿嬭

乾嬭婆 該餘叢攷俗稱乳母曰阿嬭亦曰嬭婆其不  
乳哺而但保抱者曰乾嬭婆

乳母之夫

阿奢 國奢 世謂媼婿曰阿奢通鑑竇懷貞再娶韋  
后乳媪爲妻奏請輒自置皇后阿奢而人或謂國奢  
軒然不慚 山堂肆攷謂乳母之婿曰阿奢奢奢當

同一字耳 按俗皆稱之爲奶公

乳母之子

阿乳兒 因話錄商部郭汾陽在河中禁無故走馬犯者死南陽夫人乳母之子犯禁都虞侯杖殺之諸子泣告王叱之曰不賞父之都虞侯而惜母之阿乳兒汝輩奴才也 案阿乳兒李氏稗海本因話錄作阿孀兒

稱謂錄卷三

福州梁章鉅撰

男恭辰校訂

父之從祖祖父

族會王父 爾雅父之從祖祖父爲族會王父

族會祖父 儀禮喪服總麻三月章族會祖父母鄭注

族會祖父者曾祖昆弟之親也賈疏云已之曾祖親

兄弟據此則族會王父亦得稱族會祖父而族會王

母亦得稱族會祖母矣

父之從祖祖母

族曾王母 爾雅父之從祖祖母爲族曾王母

族曾祖母 見上族曾祖父注

父之世父叔父 卽父之從父昆弟之父

從祖祖父 儀禮喪服小功章從祖祖父母從祖父母

報注祖父之昆弟之親 爾雅父之世父叔父爲從

祖祖父父之世母叔母爲從祖祖母 案家訓風操

篇父母之世叔父皆當加其次第以別之

從祖世父 從祖叔父 案魯語公父文伯之母季康

子之從祖叔母也韋昭注云祖父昆弟之妻也據父



之叔母可稱從祖叔母則父之世母亦稱爲從祖世母而父之世父叔父同此例矣

從祖王父 案爾雅父之從父昆弟之母爲從祖王母準是則父之從父昆弟之父亦得稱從祖王父矣

伯翁 見宋龔大雅義井題記

叔大父 宋史儒林傳黃震有此稱

叔翁 韓愈祭李氏二十九娘文自稱十八叔翁及十八叔婆盧氏樊汝霖注云公之姪孫女也李干妻

翁 韓愈祭姪孫滂文自稱十八翁及十八婆

和言錄 卷三 二  
父之世母叔母 即父之從父兄弟之母

從祖祖母 見上從祖祖父注

從祖世母 從祖叔母 見上從祖世父從祖叔父注

家訓風操篇父母之世叔母皆當加其姓以別之

伯婆 見義井題記

從祖王母 見上從祖王父注

從祖母 檀弓鄭注敬姜者康子從祖母

季祖母 漢曹全碑收養季祖母 按古稱叔父爲季

父叔母爲季母知此爲叔祖母矣又考潛研堂金石

文跋尾其稱季祖母猶言庶祖母也則又一說

叔婆 見上叔翁注

婆 見上翁注

伯祖妣 柳宗元集有伯祖妣趙郡李夫人墓誌銘

父之從祖父 卽父之從祖昆弟之父

族祖父 儀禮喪服總麻三月章族祖父母注族祖父者亦高祖之孫疏族祖父母者已之祖父從父昆弟也 案此爲父之從祖兄弟之父及父之從祖兄弟之母也爾雅以父之從祖兄弟之妻爲族祖母與儀

禮注不同家訓風操篇云父母之羣從世叔父母及  
從祖父母皆當加其爵位若姓以別之

父之從祖母

卽父之從祖昆弟之母

族祖母 見上注

族祖王母 爾雅父之從祖昆弟之母爲族祖王母

父之兄通稱

世父 儀禮喪服世父母賈疏伯父言世者其繼世者  
也 爾雅父之昆弟先生爲世父後生爲叔父郭注  
世有爲嫡者嗣世統故也 釋名父之兄曰世父言

爲嫡統繼世也 家訓風操篇凡與人言稱已世父  
以次第稱之不云家者以尊於父不敢家也

諸父 從父 詩旣有肥羜以速諸父諸眾也亦稱曰  
從父從從也言與父類從也 朱子語錄漢人爲從  
子卻得其正蓋伯叔皆從父也

猶父 朱子語錄今人以姪爲猶子亦可以先生爲猶  
父矣

伯父 禮記曾子問已祭而見伯父叔父而后饗冠者  
又父母不在則稱伯父世母鄭注云伯父母又不在

則稱叔父母 釋名世父又曰伯父伯把也把持家

政也

伯伯 夢華錄東坡立春日簪幡勝過子由諸子姪笑

指云伯伯老人亦簪幡勝耶

伯 恆言錄漢以前未有稱諸父爲伯叔者魏晉以後  
乃有之南史江柘傳江厥年十二聞收至謂家人曰  
伯旣如此無心獨存又劉顯傳族伯獻儒學有重名  
又梁宗室傳伯爲天子父作揚州又康絢傳伯元隆  
父元撫又魏書楊昱傳尊伯性剛不伏理此皆稱父

爲伯也 按日知錄古人於父之昆弟必稱伯叔父  
未有但呼伯叔者若不言父而但曰伯叔則是字之  
而已詩所謂叔兮伯兮伯兮搗兮叔于田皆字也錢  
竹汀先生說同

公 白帖載荀勗諸子謂解系曰與卿爲友應向我公  
拜我公指荀勗也諸子爲兄弟之子則荀勗乃其伯  
叔行據此是世父叔父亦得以公稱之

父之亡兄

亡伯 舊唐書崔植陳情表亡伯祐甫是臣承後

從兄弟門中 家訓風操篇世父叔父則稱從兄弟門  
中若與君言雖變於色猶云亡伯亡叔也據此則亡  
伯爲對君之稱若對常人當稱從兄門中或稱從弟  
門中

父之兄妻

世母 爾雅父之兄妻爲世母 禮記曾子問婚禮旣  
納幣有吉日壻之父母死則女之家亦使人弔父喪  
稱母不在則稱伯父世母 儀禮喪服期服章賈疏  
世母叔母是路人以來配世叔父則生母名



伯母 禮雜記孔子曰伯母叔母疏衰踊不絕地 太

平御覽引三十國春秋曰羊祐年十五而孤事伯母  
蔡氏以孝聞 家訓風操篇古人皆呼伯父叔父而  
今世多單呼伯叔從兄弟姊妹已孤而對其前呼其  
母爲伯叔母此不可避者也

方言稱父之兄妻

了子彌 雞林類事方言伯叔母皆曰了子彌姨始亦  
曰了子彌

父之弟

仲父 叔父 季父 釋名父弟爲仲仲中也位在中

也仲父之弟曰叔父叔少也叔父之弟曰季父季癸

也甲乙之次癸在下也 禮檀弓滕伯文爲孟虎齊

衰其叔父也爲孟皮齊衰其叔父也孔疏滕伯文爲

孟虎著齊衰之服其虎是滕伯文叔父也爲孟皮著

齊衰之服其滕伯是皮之叔父也言滕伯上爲叔父

下爲兄弟之子皆齊衰 史記項羽傳其季父項梁

韓愈祭兄子十二郎老成文自稱季父愈

叔 恆言錄晉書鄭袤傳賢叔大匠垂稱於陽平王湛

傳卿家癡叔王徽之傳亡叔一時之標謝元傳亡叔  
臣安南齊書竟陵王子良傳北瞻吾叔前望吾兄南  
史沈昭略傳家叔晚登僕射徐孝嗣傳賢叔若同無  
今日之恨此皆稱叔父爲叔也 王湛傳武帝見王  
濟輒調之曰卿家癡叔死未濟曰臣叔殊不癡 杜  
牧詩癡叔去時還讀易

阿叔 北史王孝琬傳孝琬爲和士開祖奭所譖帝怒  
使武衛赫連輔元鞭撻之孝琬呼阿叔帝怒曰誰是  
爾叔敢喚我作叔孝琬曰神武皇帝嫡孫女襄皇帝

種譜錄 卷三  
嫡子何爲不得喚作叔也

大人 柳南隨筆漢書疏受叩頭曰從大人議此呼其叔也 案古人稱叔姪亦曰父子漢書疏廣傳父子並爲師傅謂廣爲太子太傅其兄子受爲少傅也後漢書蔡邕傳上書自陳如臣父子欲相傷陷晉書謝安傳謝安以父子名位太重蓋言蔡質爲邕之叔父謝元亦安之兄子也世說文學篇江左殷太常父子並能言理謂殷融及兄子浩也

從翁 王定保摭言從翁丞相溥謂其叔父也

阿兄 北齊書文襄子延宗後主叔父也而後主呼爲阿兄 案南齊諸王皆呼父爲兄兄母爲家家亦呼母爲姊故呼叔爲兄耳此與舊唐書王琚傳明皇稱父睿爲四哥明皇子棣王傳稱明皇爲二哥正相類也

對人自稱其父之弟

家叔父 家叔 三國志諸葛恪傳近見家叔父表陳與賊爭競之計 陶淵明歸去來辭序家叔以余貧苦遂見用爲小邑

稱人父之弟

賢叔 南史沈昭略傳王晏常戲昭略曰賢叔可謂吳興僕射 家訓風操篇凡與人言稱彼祖父母世父母及長姑皆加尊字自叔父以下皆加賢字尊卑之差也

父之亡弟

從弟門中 亡叔 家訓風操篇世父叔父則稱從兄弟門中若與君言猶云亡伯亡叔也太山羊侃梁初入南吾迎至鄴其兄子肅訪侃委曲吾答之云卿從

門中在梁如此如此肅曰是我親第七亡叔非從也  
祖孝徵在坐先知江南風俗乃謂之云賢從弟門中  
何故不解 案不忍稱亡者之名故稱其子之門中  
耳

父之弟妻

叔母 爾雅父之弟妻爲叔母 韓愈祭周氏姪女文  
自稱十八叔及叔母此則爲父之弟及父之弟妻之  
稱也

季母 後漢書西域車師後王傳獲單于母季母注季

和言金 卷三 九  
母叔母也又魏志辛毗傳注季母勿冬言此羊祜謂  
辛憲英其從父耽之妻也

嬭 張耒明道雜錄今俗呼叔母爲嬭經傳無嬭字乃  
世母二字合呼 王令詩閨女當求嬭 案元史順  
帝紀亦有叔嬭之稱

方言稱父之妻弟

子子彌 見父之兄妻注

父之從父昆弟

從祖父 爾雅父之從父昆弟爲從祖父



從父 三國吳志權謂朱異從父驃騎將軍據

從叔父 宋書謝景仁陳郡陽夏人衛將軍晦從叔父

父也

堂伯伯 東軒筆錄張元有姪不率教將杖之其姪方

醉大呼曰安能撻我但堂伯伯耳

從伯 晉書王羲之傳羲之尤善隸書爲古今之冠深  
爲從伯敦導所器重 南史張緒清簡寡欲叔父鏡  
比之樂廣從伯敷云是我輩人

從叔 臧榮緒晉書王沈少時孤爲從叔司空昶之所

養

父之從祖昆弟

族父

儀禮喪服緦麻三月章族父母賈疏族父者已

之父從祖昆弟也

爾雅父之從祖昆弟爲族父

後漢書侯霸族父淵

再從伯

酉陽雜俎同州司馬裴沆常說再從伯自洛

中將往鄭州

族叔

晉書顧和字君孝侍中眾族子也二歲喪父族

叔榮雅重之又裴膺撰祠部員外郎裴君誌自稱族

叔見碑版廣例

宗叔 因話錄商部司徒鄭真公與其宗叔太子太傅  
綢俱住招國

父之從祖昆弟之妻

族母 見上族父注

父之舅

大舅 後漢書張禹傳光武見張况大喜曰乃今得見  
我大舅乎 按冷廬雜識俗亦稱爲舅祖

祖舅 晉書應詹傳有此稱 南史沈文阿傳亦稱祖

舅皆謂父之舅氏也

母之祖

外曾王父 爾雅母之王考爲外曾王父

外曾祖 蘇軾有跋外曾祖程公逸事

母之祖母

外曾王母 爾雅母之王妣爲外曾王母

母之父

外王父 爾雅母之考爲外王父

外祖父 儀禮喪服小功章外祖父母馬融曰母之父

母也

外祖 春秋僖五年杞伯姬來朝其子何休云禮外孫  
初冠有朝外祖之道 漢書楊惲傳有外祖司馬遷  
之風 世說魏明帝爲外祖築館又南史王筠傳幼  
而警悟清靜好學沈約以爲似其外祖

外翁 元稹答友封詩扶牀小女君先識應爲些些似  
外翁 案友封竇鞏字也

外大父 張耒寄楊克一甥詩爾家外大父 朱子文  
集有外大父祝公遺事

種譜金 卷三  
大父 漢書婁敬傳豈嘗聞外孫敢與大父抗禮哉  
案是以大父稱外祖也

方言稱母之父

家公 家訓風操篇河北士人皆呼外祖父母爲家公  
家母江南田里閒亦言之以家代外非吾所識 案  
北人稱母爲家家故謂母之父母爲家公家母

母之母

外王母 爾雅母之妣爲外王母

外祖母 禮記檀弓齊穀王姬之喪魯莊公爲之大功

或曰由魯嫁故爲之服或曰外祖母也鄭注王姬周女齊襄公之夫人莊公齊襄公女弟文姜之子當爲舅之妻非外祖母也外祖母又小功也案或人之說旣誤以舅爲外祖母又誤以外祖母爲大功服又晉書魏舒少孤爲外家甯氏所養甯氏起宅有相者云當出貴甥外祖母以盛氏甥小而慧竟謂應之舒曰吾當爲外家成此宅相又通鑑賜外祖母號爲博平君

外婆 容齋隨筆三舅荷伯提襦極喜只是外婆不樂

又見義井題記

方言稱母之母

家母 見上家公注

嫜嫜 字典北人呼外祖母爲嫜嫜音盧老切又與媪通

母之兄弟

舅 爾雅母之舅弟爲舅釋名母之昆弟曰舅 汪氏

堯峰曰凡母黨之尊者由母推之則皆母之屬也從母是也至母之兄弟則不可謂之母不可謂之母其



可謂之父乎二者皆不可以名故聖人更名之曰舅  
舅氏 詩秦風渭陽我送舅氏疏引孫炎云舅之言舊  
尊長之稱又左傳所不與舅氏同心者有如白水書  
斷陸柬之虞世南之甥少學舅氏

舅父 史記孝文帝本紀封淮南王舅父趙兼爲周陽  
侯齊王舅父駟鈞爲清郭侯又齊悼惠王世家惠景  
侯表亦並稱舅父索隱曰舅父卽舅猶姨曰姨母也

嫡舅 後漢書清河孝王傳帝以寶嫡舅寵遇甚渥位

至大將軍

又見百官志將軍下

阿舅 北周童謠白楊樹金雞鳴祇有阿舅無外舅

元舅 詩崧高篇王之元舅文選班孟堅燕然山銘曰

有漢元舅曰車騎將軍竇憲 孟郊送舅端詩元舅

唱離別 漢書王鳳稱元舅

哲舅 蕭穎士賦惟佩觴之弱歲荷哲舅之矜憐

母之兄

伯舅 嚴維詩伯舅禮仍崇 元稹詩理家煩伯舅

留青集釋義長曰伯舅少曰叔舅

母之弟

仲舅 裴延翰樊川集後序竊觀仲舅之文高騁夔厲

旁紹曲摭

叔舅 杜牧詩叔舅欲飲我 又李商隱詩叔舅德惟

馨

對人自稱其母之兄弟

家舅 世說衛江州在潯陽有知舊人投之都不料理

惟餉王不留行一觔李宏範聞之曰家舅刻薄乃復

驅使草木

方言稱母之兄弟

吃賴 花蓋錄真臘國呼舅爲吃賴

母之從父昆弟

從舅 爾雅母之從父昆弟爲從舅 世說鍾會是荀

濟北從舅 盧思道北齊興亡論胡氏長案以從舅

之親 家訓後娶篇思魯等從舅殷外臣

從考舅 唐文粹尚衡文道元龜序有此稱

堂舅 因話錄商部廣平程子齊昔範與堂舅李信州

虞相知最深 案開元禮有此稱

後母之兄弟

繼舅 因話錄商部僕射柳元公出自清河崔氏繼外族薛氏前後與舅能從同時領方鎮居省闕又與繼舅萃同時爲觀察使

母之兄弟之妻

舅妻 見上外祖母注又舊唐書開元二十三年議加外祖父母舅服並爲舅妻制服

舅母 晉書武帝楊后諱豔字瓊芝母早卒依舅家舅母仁愛親乳之

舅母親 家訓風操篇思魯等第四舅母親吳郡張建

女也

妗

集韻巨禁切音姑俗謂舅母曰妗

張耒明道

雜錄經傳中無妗字乃舅母二字合呼也

案周必

大歸廬陵日記有過二十妗二十八妗宅語

方言稱母之兄弟之妻

了子彌

見上父之兄妻注

母之兄弟之子

甥

爾雅舅之子爲甥

舅子

羊祜傳祜爲蔡邕外孫景獻皇后同母弟祜討

逆有功將進爵土祜乞以賜舅子蔡襲

中表 後漢書鄭太傅明公將帥皆中表腹心 三國

管甯傳中表憑其孤貧 晉書山濤傳與宣穆后有

中表親庾亮傳實與中表骨肉不同 列女傳禮儀

法度爲中表所則 宋書自序中表孤貧悉歸焉

南史沈慶之傳悉移親戚中表於婁湖 王志傳九

歲居所生母憂哀容毀瘠爲中表所異 王泰傳由

爲中表所異 裴子野傳子野於任昉爲從中表

傳季珪傳宋武帝之外弟以中表懸顯官 周書賀

蘭祥傳與護中表少相親愛 北史盧元傳度世推  
計中表致其供卹崔昂傳高德正是其中表劉芳傳  
崔先於芳有中表之敬 徐鉉詩平生中表最情親  
案中表猶言內外也姑之子爲外兄弟舅之子爲內  
兄弟故有中表之稱 隋書經籍志有盧懷中表實  
錄二十卷高諒表親譜四十卷可想見當時中表之  
盛矣

親表 家訓風操篇吾親表所行又云親表聚集

內兄弟 儀禮喪服緦麻三月章舅之子鄭注內兄弟



也賈疏內兄弟者對姑之子云舅之子本在內不出  
故得內名也

外兄 黃伯思跋昌谷別集後李藩嘗綴李賀歌詩知  
賀有外兄召見托以搜采其人諾且請願得君所輯  
彌年乃云某與賀中表自幼同處恨其倨忽嘗思報  
之今幸得公所藏並舊有者悉投匭中矣

表兄 舊唐書崔湜傳湜表兄周利貞 案權德輿有  
戲贈表兄崔秀才詩別表兄韋卿詩 鄴侯外傳在  
表兄鄭叔則家北夢瑣言金戴山前鹿又鳴此際多

應到表兄皆唐人之稱表兄也

外弟 宋書隱逸傳宋炳母師氏外弟師覺授 案此對兄弟言故以舅子爲外也

表弟 呂本中寄趙材仲詩表弟今何在

舅弟 韓愈柳子厚墓誌銘以舅之子曰舅弟

母之姊妹

從母 爾雅母之姊妹爲從母 儀禮喪服小功章從母丈夫婦人報注從母母之姊妹

姨 姨母 釋名母之姊妹爲姨禮謂之從母左氏襄

二十三年傳穆姜之姨子也杜注穆姜姨母之子與  
穆姜爲姨兄弟孔疏據父言之謂之姨據母言之當  
謂之從母但子效父言亦呼爲姨

阿姨 王獻之東陽帖不審阿姨所患得差否 元好  
問姨母諱日詩阿姨懷袖阿嬾香

方言稱母之姊妹

了子彌 見上父之妻兄注

母之從父姊妹

堂姨 朝野僉載狄仁傑爲相候問盧氏堂姨仁傑曰

表弟有何願盧曰老姨止一子不欲使事女主

母之姊妹之夫

從母之夫 禮檀弓從母之夫舅之妻二夫人相爲服

姨夫 盧思道北齊興亡論馮子琮以姨夫之戚 續

釋常談云元氏小叔與姪大淵書云吾時在鳳翔每

借書於陸倉曹家徒步就陸姨夫師授 家訓勉學

篇思魯等姨夫彭城劉靈嘗與吾坐諸子侍焉

姨父 北史元叉傳常造禁中明帝呼爲姨父

姨丈人 袁肇修爲姨丈人崔休知賞蓋今姨夫也見

小知錄又見表異錄

母之姊妹之子

從母昆弟 儀禮喪服總麻三月章從母昆弟傳曰何以總也以名服也賈疏從母有母名而服其子故云以名服也 案母之姨妹爲從母此云從母之子是母之姊妹之子古稱

外兄弟 山堂肆考兩姨之子爲外兄弟然所見書籍但言姨兄姨弟也 隋書皇甫繪三歲而孤養於外家嘗與外兄博奕 海錄碎事唐人兩姨之子相謂

爲外昆弟

中表 表兄 表弟 並見上母之姊妹之子注

姨子 姨兄弟 左傳襄二十三年穆姜之姨子也杜

注穆姜姨母之子與穆姜爲姨兄弟 南史范雲傳

時江祐姨弟徐藝爲曲江令 杜甫詩梁公會孫我

姨弟 梁書韋叡傳姨弟杜暉 北史序傳李炎之

自誇文章從姨兄常景笑而不許 案今統稱爲姨

表兄弟無姨兄姨弟之稱

母之姊妹之女

從母姊妹 爾雅從母之女子子爲從母姊妹謂母之姊妹之女也

表妹 王羲之和方帖表妹委篤示致向

母之兄弟姊妹之孫

表姪 恆言錄舊唐書楊慎矜傳矜與鏐父璿中外兄弟鏐卽表姪 太平廣記崔圓事有表丈人表姪之稱表丈人今所謂表伯叔也

然其後又令其開其明也

此其所以教之太平也

夫誠正則精神自發而後知其所歸也

此其所以教之民也

夫教之正氣之風也

此其所以教之民也

此其所以教之民也



稱謂錄卷四

福州梁章鉅撰

男恭辰校刊

兄

兄 說文兄長也 段玉裁云詩倉兄填兮傳云滋也

兄也永歎職兄斯引傳並云茲也茲與滋義同茲者  
草木多益也滋者益也是兄之本義爲滋長之長而  
引伸之乃爲兄長之長爾雅男子先生爲兄後生爲  
弟先生之年自多於後生者故以兄名之實亦取滋  
長之義也

舅 昆 鬻 鬻 爾雅舅兄也郭注今江東人通稱  
曰舅釋文舅亦作昆 說文周人謂兄爲鬻 皇侃  
論說疏謂兄爲昆昆明也尊而言之也 儀禮喪服  
疏昆明也以其次長故以明爲稱 案說文無舅字  
止有鬻字而昆字注云同也不訓爲兄玉篇又有舅  
字注云與昆同無鬻字蓋鬻者昆之本字鬻變爲舅  
又變爲舅又借用昆實一字也段玉裁云男子先生  
爲兄後生爲弟此本定稱謂兄鬻者周人語也詩惟  
王風有昆字此周人謂兄之證諸經皆言兄如商書

乃寡兄助春秋衛侯之兄弟周禮兄弟之讎詩瞻望  
兄兮皆是維儀禮喪服經傳大功已上皆曰昆弟小  
功已下同異姓皆曰兄弟不相淆亂蓋禮經欲別服  
之親疎遂以周人謂兄者專系之同姓大功以上以  
爲立言之別也

說 計有功曰元次山結之弟季川名融次山作書規  
季川曰說不復言說有意乎註說者兄之別稱正字  
通同昆從二兄會意

同產 漢書兩龔傳若同產同產子師古曰同產兄弟

和言錄 卷四  
也同產子卽兄弟子也

兄自稱

老兄 謝維新合璧事類韓浦寄弟泊詩老兄得此全  
無用助爾添修五鳳樓 歐陽脩與梅聖俞書承見  
過仍留刺何以煩老兄如此

弟稱兄

先生 爾雅男子先生爲兄後生爲弟 論語先生饌  
注先生父兄也

尊兄 三國志注袁術與袁紹書曰神應有徵當在尊

兄又北齊書後主緯居南宮其弟瑯琊王儼見新冰  
早李怒曰尊兄已有我何竟無

此皆自稱其兄

哥

大哥

廣韻哥古歌字今呼爲兄韻會潁川語小

曰哥今以配姐字爲兄弟之稱

錢大昕恆言錄云

白居易祭浮梁大兄文稱大哥明皇與甯王憲書大

哥又有同玉真公主過大哥園池詩

案日知錄今

人兄弟行次稱一爲大不知始自何時漢淮南厲王  
常謂上大兄孝文帝行非第一也此又古人稱兄爲  
大兄而不必以行一爲大也

對人自稱其兄

家兄 晉書庾翼與王羲之書忽聞足下答家兄書又  
何充傳云家兄在郡定佳又魏書李崇傳云家兄聞  
此必重相報又魏略文帝嘗言家兄孝廉自其分也

家兄謂  
倉舒

又北史楊津傳事兄椿極孝有求官者曰此

事須家兄裁之又楊俊之自言有文集十卷家兄亦

不知吾是才士也

謂楊  
休之

又梁元帝攻蕭譽譽曰家兄

無辜

謂其兄譽  
屢爲所攻

稱人之兄

令兄 隋書煬帝將卽位先縊死其兄勇曰令兄之弟  
果堪大用錢大昕曰令兄令弟之稱蓋本於詩角弓  
此令兄弟語

尊兄 唐書李林甫恐嚴挺之大用謂其弟損之曰上  
待尊兄意甚厚

長兄

長兄 木蘭詩阿耶無大兒木蘭無長兄

伯氏 詩伯氏吹壘仲氏吹篳注伯仲喻兄弟也

元兄 後漢書和帝紀竇太后詔曰侍中憲朕之元兄

和譜金 卷四  
謂長兄也

寡兄 康誥周公稱武王 案詩傳箋寡嫡也少有也  
此言嫡兄聖德寡有之兄也

大哥 見上弟稱兄注

元昆 釋常談長兄云元昆

同母兄

母兄 公羊傳母弟稱弟母兄稱兄注母弟同母弟母

兄同母兄

同母兄 史記衛將軍傳同母兄衛長子



兄沒

亡兄 亡者子某門中 家訓風操篇兄弟則稱亡者  
子某門中 黎兄弟已亡者不忍稱其兄弟而稱其  
兄弟之子之名也家訓又云吾見名士亦有呼其亡  
兄弟爲兄子弟子門中者亦未爲妥帖也

方言稱兄

膊 方言膊兄也荆揚之鄙謂之膊

況 白虎通兄況也況父法也 研北雜誌廣雅云兄  
況於父今江南北猶呼兄爲況 案今杭人尙有稱

和言錄 卷四  
兄爲況者

荒 釋名兄荒也大也改青徐人謂兄爲荒

阿干 宋書鮮卑吐谷渾傳魔追思渾作阿干之歌鮮卑呼兄爲阿干

長官 花箋錄高麗國方言兄也曰長官

邦 花箋錄眞呼臘國呼兄及姊均爲邦

兄之妻

嫂 儀禮喪服傳注嫂者尊嚴之稱猶叟也叟老人之稱也 爾雅釋親女子謂兄之妻爲嫂 說文嫂兄

之妻也 釋名嫂嫂也 段玉裁曰古者重男女之

別故於兄之妻尊嚴之於弟之妻卑遠之而皆不爲

服

兄之妻自稱

新婦 晉書王獻之與賓客談議事理將屈謝道韞使  
使婢白曰新婦欲與小郎解圍 世說王夷甫妻郭  
氏令婢擔糞王平子諫之郭大怒曰昔夫人臨終以  
小郎屬新婦不以新婦屬小郎 案小郎指其夫之  
弟則兄妻有自稱新婦者矣

對人自稱其兄之妻

家嫂 晉書謝朗傳安謂坐客曰家嫂詞情慷慨恨不使朝士見之

長兄之妻

邱嫂 漢高祖微時過其邱嫂食嫂厭之陽爲羹盡轅金注邱大也轅音勞轅也高紀長兄妻曰邱嫂又見楚元王傳 史記作巨嫂

從嫂 讀書偶記 國朝蔡文勤公二從嫂孀居月給以糧

方言稱兄之妻

長嘆吟 花箋錄高麗國方言嫂曰長嘆吟見上兄長

官注

弟

弟 說文弟韋束之次弟也 段玉裁云以韋束物如

斲五束衡三束之類引伸之爲凡次弟之弟爲兄弟  
之弟 案由兄及弟猶韋束之有次弟故古人卽以  
此稱弟

男弟 急就章注男者以別女也有兄之稱也 漢書

和言錄 卷四  
衛青傳衛子夫男弟步廣皆冒衛氏

親弟 宋史張俊傳俊懇辭勸進高宗不許俊曰大王  
皇帝親弟人心所歸

同產弟 綏氏校尉熊君碑君同產弟望季公 又見  
上兄稱同產注

弟自稱

鄙弟 管輅別傳弟辰序云恨輅才長命短道貴時賤  
親賢遐潛不宣於良史而爲鄙弟所見追述

小弟 木蘭詩小弟聞姊來 案此詩雖非爲弟者自

稱然據此則今人自稱爲小弟亦不俗

兄稱弟

賢弟 史記刺客列傳終滅賢弟之名 案此乃姊稱其弟也

小子 周公稱其弟爲小子封注弟雖老猶少也

君 杜牧爲弟墓誌君諱顓是兄稱弟曰君也

阿奴 晉書周顓傳弟嵩嘗因酒瞋目謂顓曰君才不及弟何乃橫得重名以所然蠟燭投之顓神色無忤徐曰阿奴火攻固出下策 案阿奴爲周顓次弟謨

小字見周顓母李氏傳世說周叔治

謨字

作晉陵太守

周侯

顓

臨別撫其背曰阿奴好自愛注亦云阿奴謨

小字顓又以呼嵩則非小字也蓋晉世人通稱弟爲

阿奴爾又案謝奕謂其弟曰阿奴欲放去耶見世說

對人自稱其弟

舍弟

能改齋漫錄兄稱弟曰舍弟亦有所本魏文帝

謝鍾繇見與玉玦書是以令舍弟子建從容喻鄙旨

杜甫有得舍弟消息詩

王維詩舍弟官崇高

家弟

唐書溫大雅傳若得家弟永康我當含笑地下



謂其弟  
彥博

又曹植釋思賦序家弟出養族父郎中又南

史蕭懿臨沒謂使者曰家弟在雍深爲朝廷憂之

家弟

謂梁武帝

又唐書柳公權爲侍書學士其兄公綽與李宗

閔書曰家弟本志儒學

世說戴安道兄遠以武勇

顯謝太傅曰卿兄弟志業何太殊戴曰下官不堪其

憂家弟不改其樂

稱人之弟

令弟

謝靈運酬從弟惠連詩末路值令弟龔氏頤正

續釋常談云令弟二字始此然李善注尙引古詩濟

和言金  
卷四  
濟令弟也 李白詩令弟佐宣城 杜甫詩令弟草

中來

淑弟 表異錄魏文詠呼人弟曰淑弟

長弟

大弟 吳志呂蒙傳肅拊蒙背曰吾謂大弟但有武略耳至於今者學識英博非復吳下阿蒙海錄碎事應休璉書聊與大弟陳其苦況耳

元弟 金石萃編謂楊淮之弟勣也其文曰元弟功德

牟盛

中弟 漢書杜周傳杜延年六弟五人至大官惟中弟  
欽官不至而最知名

仲氏 見上兄稱伯氏注

仲公 後漢書丁鴻傳留書與盛曰願讓爵仲公

幼弟

季 詩予季行役

季弟 唐書李勣傳季弟感年十五

少弟 漢書卜式傳有少弟 又哀帝紀成帝少弟中

山孝王

小弱弟 柳子厚文成王以桐葉與小弱弟戲曰以封汝 蔡邕太傅胡公碑上奉繼親下慈弱弟

同母弟

母弟 左傳天王出居於汜避母弟之難也謂子帶又母弟稱弟見上引公羊傳

同母弟 見上同母兄注

承兄後之弟

孝弟 養新錄古人惟子孫稱孝詩綏子孝于孝孫徂位皆於廟中稱之後代以弟承兄則有稱孝弟者續

通鑑長編載嘉祐八年孫抃等議云太祖之廟太宗稱孝弟是也

弟沒

亡弟 亡者子某門中 見上亡兄注

方言稱弟

阿多 日本國圖纂日本人呼弟爲阿多

補溫 花箋錄真臘國呼弟爲補溫

兄弟之妻

姊妹 儀禮喪服小功章夫之姑姊妹姊妹婦報傳弟

和言金 卷四  
妯娌者弟長也鄭注娣妯婦者兄弟之妻相名也

妯娌 廣雅妯娌娣妯先後也 北史崔儵傳休弟黃

子愍濟川刺史盧尚之欲以長女妻之休又爲子悛  
求尚之次女曰家道多由婦人欲令姊妹爲妯娌尚  
之感其義於是同日成婚 案爾雅注娣妯婦亦云

或爲妯娌釋文引郭注方言云今關西兄弟婦相呼  
爲妯娌 楊奐孫烈婦詩屈已接妯娌盡心奉舅姑

築里 方言築里匹也里耦也郭注今關西兄弟婦相  
呼爲築里王念孫曰築與妯同妯之言儔也集韻妯

又音儔方言云偶也

先後 宛若 史記封禪書神君者長陵女子以子死

見神於先後宛若宛若祀之其室民多往祠孟康曰  
兄弟妻相謂先後宛若字也又云先後並去聲索隱

曰先後卽今妯娌也師古曰古謂之娣姒今關中俗  
呼爲先後吳楚俗呼爲妯娌 韓愈南山詩或齊若

友朋或隨若先後 宋景濂樓母墓版文處先後惟

以柔勝皆用此 汪師韓曰先後猶云妯娌而宛若  
乃其先後非以宛若爲妯娌之別稱而宛若又有先

後也近今文人厭娣姒妯娌之熟習以宛若爲鮮新  
卽方望溪先生文集中亦有曰處宛若閒是當別有  
本耳

弟妻謂兄妻

姒婦 見上娣姒注

植 鞞 案釋名青徐人謂長婦曰植荊豫人稱長婦  
曰鞞繼長婦謂幼婦曰娣少婦謂長婦曰姒總而言  
之此蓋弟婦謂其兄妻之稱而非舅姑稱其媳婦也  
曰植曰鞞曰姒一聲之轉耳方言異音同實往往如



此

兄妻謂弟妻

娣婦 見上娣妯注

妯 左成十一年傳穆姜曰吾不以妾爲妯

長叔妯 左昭二十八年傳伯石始生子容之母走謁

諸姑曰長叔妯生男孔疏子容是伯華之子其兄弟

伯華最長叔向次之其餘諸弟皆小於叔向也故謂

叔向爲長叔叔向之妻其年長於子容母故稱長叔

妯也 案伯華爲叔向之兄而其妻稱叔向之妻曰

長叔姒是兄妻稱其弟妻也

同祖兄弟

從父昆弟 爾雅釋親兄之子弟之子相謂爲從父昆弟 儀禮喪服大功章從父昆弟注世父叔父之子也

公昆弟 史記外戚世家皇后封公昆弟於長安注公亦祖也謂皇后同祖之昆弟

同堂兄弟 後魏書二公孫同堂兄弟耳謂公孫獻及邃也又

元顥入洛廣陵王曰北海長樂俱是同堂兄弟又北

齊書孝昭帝曰須拔是我同堂兄弟 錢大昕曰通  
典載宋庾蔚之說今又謂從父昆弟爲同堂蓋六朝  
人猶稱同堂至唐時乃省去同字舊唐書載中宗卽  
位以堂兄千里爲成紀郡王又張獻誠請老薦其堂  
弟獻恭自代是也 案因話錄商部上司徒鄭真公  
前後相德宗謂之大鄭相小鄭相焉又商部下家藏  
書最多蘇少常景徹堂弟尙書滌諸家無比又滎陽  
鄭還古有堂弟浪迹好吹箏策

從兄 南史袁昂傳從兄提養訓教示以義方

和訓錄 卷四  
從弟 三國志許靖傳少與從弟劭俱知名 南史張  
緒卒從弟融賫酒於靈前酌飲痛哭曰阿兄風流頓  
盡華陽國志馬超臨沒上疏云臣宗門二百餘口爲  
德所誅盡惟從弟岱爲徽宗血食之繫

賢從 梁書劉遵傳累遷晉安王記室王立爲太子仍  
除中庶子大同中卒於官太子深痛惜之與遵從兄  
孝儀書曰賢從中庶奄至殞逝痛可言乎

仁弟 孔叢子與侍中從弟安國書欲令仁弟讚明其  
道

阿戎 杜甫詩守歲阿戎家謂從弟位也南史王思遠  
傳王晏曰隆昌之末阿戎勸吾自裁阿戎蓋思遠子  
字思遠爲晏從弟杜甫用此又胡三省通鑑注晉宋  
閒人多呼從弟爲阿戎姚際恆庸言錄言謝靈運稱  
弟惠連爲阿戎曰阿戎才悟如此不當以常兒遇之  
杜詩似亦本此

遠兄弟

遠兄弟 禮記檀弓有殯聞遠兄弟之喪雖總必往又  
有殯聞遠兄弟之喪哭於側室 又曾子曰小功不

稅則是遠兄弟終無服也而可乎

族昆弟 從祖昆弟 親同姓 同姓 儀禮喪服總

麻三月章族昆弟賈疏族昆弟者已之三從兄弟皆  
名爲族爾雅云族父之子相謂爲族昆弟族昆弟之  
子相謂爲親同姓又儀禮喪服小功章從祖昆弟鄭  
注父之從父昆弟之子通典引馬融云謂曾祖孫也  
於已爲再從兄弟同出曾祖故言從祖兄弟詩唐風  
豈無他人不如我同姓鄭箋云同姓同祖也正義謂  
據上章言同父故知此章同姓爲同祖

從曾祖昆弟 族兄弟 賈子新書六術篇云六親始  
曰父父有二子二子爲昆弟昆弟又有子子從祖而  
昆弟故爲從祖昆弟從祖昆弟又有子子從曾祖而  
昆弟故爲從曾祖昆弟從曾祖昆弟又有子子爲族  
兄弟備於六此之謂六親 案賈子所謂從曾祖昆  
弟卽爾雅所謂族兄弟賈子所謂族兄弟卽爾雅所  
謂親同姓也爾雅與賈子兩書略有異同而賈子論  
遠兄弟之親疏最詳宜並存之

再從弟 因話錄商部李固言爲李蕃再從弟 案當

是同曾祖之兄弟也

始族兄 北史劉芳傳總麻服之兄弟曰始族兄

始族弟 南史梁武帝紀有此稱

族弟 南史劉歊傳與族弟訐並隱居求志

宗兄 禮記曾子問曰宗子有罪居於他國庶子爲大

夫其祭也祝曰孝子某使介子某執其常事以辭於

賓曰宗兄宗弟宗子在他國使某辭鄭注與宗子爲

列則曰宗兄若子弟昭穆異者曰宗子而已其辭若

曰宗兄某在他國使某執其常事使某告 案此爲



庶子稱其宗子之辭 韓愈考功員外盧君墓表愈  
之宗兄故起居舍人君樊汝霖注引柳子厚先友記  
云韓會昌黎人善清言有文章名最高然以故多謗  
至起居郎貶官卒則起居舍人君會也案會當是愈  
之遠兄弟 王維詩舍弟官崇高宗兄此削髮

同母異父兄弟

外弟 左成十一年傳聲伯之母不聘穆姜曰吾不以  
妾爲姒生聲伯而出之嫁于齊管于奚生二子而寡  
以歸聲伯以其外弟爲大夫而嫁其外妹於施孝叔

案外弟外妹卽嫁齊管子奚所生二子則爲聲伯  
同母異父之弟妹也由此而推若長於已者當亦有  
外兄之稱而與儀禮喪服鄭注姑之子爲外兄者不  
同矣

兄弟之子

猶子 禮記兄弟之子猶子也

從子 襄陽記龐統德公從子也 唐李季卿撰先塋

記從子陽冰書 朱子語錄云姪字本非兄弟之子

所當稱從子

姪 姪男 公羊十九年傳姪者何兄之子也 顏真

卿序顏元孫干祿字書第十三姪男真卿書又柳宗  
元祭六伯母文亦稱姪男 案儀禮喪服傳謂吾姑

者吾謂之姪姪本姑謂兄弟之子之稱對伯叔而稱  
姪見家訓風操篇兄弟之子已孤與他人言對孤者  
前呼爲兄子弟子頗爲不忍北土多呼爲姪 案爾

雅儀禮喪服經姪左傳姪名雖通男女並是對姑之  
稱晉世已來始呼叔姪今呼爲姪於理爲勝也

姪輩 李商隱文自爾沒後姪輩數人

親姪 宋書謝弘微傳昔爲烏衣游戚戚皆親姪

愛姪 後漢書鄧皇后紀論愛姪微愆髡剔謝罪注太

太后兄隲子鳳愛受遺事洩隲遂髡妻及鳳以謝天

下

兄子 馬援有戒兄子書 後漢書第五倫傳倫曰吾

兄之子病一夜十往退而安寢

兄弟之子謙稱

小姪 杜牧詩小姪名阿宜

兄弟之孫

猶孫 元微之贈工部尙書李公墓誌銘夫人房氏在  
太尉瑄猶孫猶孫之稱今罕見也

稱人兄弟之子

令姪 杜甫送韋諷事詩令姪才俊茂二美有何求

阮 世說阮咸字仲容任達不拘與叔籍爲竹林之遊  
諸阮居道南咸居道北南阮富而北阮貧時又以咸  
爲小阮陳後山詩從昔竹林維小阮後世以阮稱姪  
本此

亡兄弟之子

孤姪 北史李郁傳兄陽卒撫育孤姪歸於鄉里

族兄弟之子

族子 南史謝琨與族子靈運瞻晦曜以文義賞會

族兄弟之孫

族孫 因話錄商部柳尙書公權與族孫璟開成中同在翰林時稱大柳舍人小柳舍人

兄弟之女

姪 釋名姑謂兄弟之女爲姪姪迭也其行事夫覓迭

進御也

女姪 柳毅傳云錢唐君謂毅曰女姪不幸爲頑童所辱

猶女 唐摭言張峴妻是顏蕤舍人猶女 北夢瑣言  
韋宿鎮南海以從猶女妻劉謙

從女 晉書束皙傳皙兄璆取石鑿之從女

兄女 晉書庾袞孫孤兄女曰芳將嫁美服旣備袞乃  
刈荆苕爲箕命芳

弟女 魏志夏侯淵時大亂饑乏棄其子而活亡弟孤  
女

仲女 後漢劉平弟仲爲賊所殺平抱仲女而棄其子  
兄弟之婿

異姓 大戴禮記一日三復白圭之玷是南宮縚之行  
也夫子信其仁以爲異姓盧注謂以兄之子妻之也  
案宋亦棟云古者同姓不爲婚故親戚稱異姓唐  
書治長縲綆仲尼選爲密親密親稱婿異姓稱姪婿  
皆最古之稱

兄婿 北史封隆之傳隆之子子繡外貌儒雅而使氣  
難犯兄婿婁定遠爲瀛洲刺史子繡爲渤海太守定



遠過之對妻及諸女讌集言戲微有褻慢子繡集眾  
將攻定遠